

PROSIECTAU STRATEGOL

Llwybr Teithio Llesol Cwm Rhondda Fach - Cam 3

Datganiad Dylunio a Mynediad

Ionawr 2024

ANDREW STONE
Pennaeth Rheoli Perygl Llifogydd a Phrosiectau Strategol
Tŷ Sardis, Heol Sardis, Pontypridd, CF37 1DU

STEPHEN WILLIAMS
Cyfarwyddwr Priffyrdd, Gofal y Strydoedd a Gwasanaeth Trafnidiaeth,
Y Pafiliynau, Cwm Clydach, CF40 2XX

Tudalen Wag

DILYSU'R DDOGFEN

Cleient	Cyfarwyddwr Gwasanaethau Priffyrdd, Gofal y Strydoedd a Thrafnidiaeth
prosiect	Llwybr Teithio Llesol Rhondda Fach - Cam 3
Teitl y ddogfen	Datganiad Dylunio a Mynediad
Cyfeirnod y Ddogfen	P187-S3-DAS-02
Rhif y Prosiect	P187

Statws Adolygu	TERFYNOL			
Dyddiad cyhoeddi	Ionawr 2024			
Lluniwyd gan	Julie Stacey			
Gwiriwyd gan	Rhodri Griffin			
Cymeradwywyd gan	Neil Morris			

Dylai'r adroddiad yma gael ei ddefnyddio yn ei gyfanrwydd yn unig.

Mae'r adroddiad yma'n gyfrinachol i'r cleient. Dydy Prosiectau Strategol ddim yn derbyn unrhyw gyfrifoldeb ar gyfer trydydd partion sy'n effro i'r adroddiad, neu ran o'r adroddiad. Bydd unrhyw barti sy'n defnyddio gwybodaeth sydd wedi'i chynnwys yn yr adroddiad yn gwneud hynny ar ei risg ei hun.

Tudalen Wag

CYNNWYS

1	CYFLWYNIAD	1
1.1.	DIBEN DATGANIAD DYLUNIO A MYNEDIAD	1
1.2.	CRYNODEB O'R CYNNIG	1
1.3.	LLEOLIAD Y SAFLE	1
2	Y BRIFF A'R WELEDIGAETH	3
2.1.	Y BRIFF	3
2.2.	GWELEDIGAETH	3
3	DADANSODDIAD A CHYD-DESTUN Y SAFLE	4
3.1.	LLEOLIAD A CHYD-DESTUN Y SAFLE	4
3.2.	DEFNYDD PRESENNOL Y SAFLE	5
3.3.	CYD-DESTUN CYNLLUNIO	9
3.4.	HAWLIAU TRAMWY CYHOEDDUS	9
3.5.	SAFLEOEDD DYNODEDIG	9
3.6.	ECOLEG	10
3.7.	CYFLWR Y TIR	11
3.8.	TOPOGRAFFEG	11
3.9.	HYDROLEG	12
3.10.	MYNEDIAD	13
3.11.	CYFLEUSTODAU	14
4	DATBLYGU'R CYNLLUN	15
4.1.	HANES	15
5	CYNNIG	18
5.1.	DISGRIFIAD O'R GWAITH ARFAETHEDIG	18
5.2.	DYLUNIAD Y LLWYBR	19
5.3.	CLIRIO'R SAFLE / LLYSTYFIANT	19
5.4.	FFENSIO A BOLARDIAU	20
5.5.	DRAENIO	20
5.6.	ARWYDDION TRAFFIG A MARCIAU FFORDD	20
5.7.	GWYRIADAU / LLACIADAU	20
5.8.	SŴN ADEILADU AC ORIAU GWAITH	20
5.9.	Y CAMAU A'R RHAGLEN ADEILADU	20
5.10.	ANSAWDD AER	21
5.11.	SŴN A DIRGRYNU	21
5.12.	MYNEDIAD	21
5.13.	SYMUDIAD	22
5.14.	RHEOLI GWASTRAFF	22
5.15.	CYNALIADWYEDD	22
5.16.	CYNLLUNIAU TIRLUNIO	22
5.17.	CYNIGION ECOLEGOL	22
5.18.	CYMUNEDAU DIOGEL	23
5.19.	YMATEB I'R POLISI CYNLLUNIO	23
6	CRYNODEB	26
6.1.	CRYNODEB	26

1 Cyflwyniad

1.1. Diben Datganiad Dylunio a Mynediad


- 1.1.1. Mae'r Datganiad Dylunio a Mynediad yma wedi'i baratoi i gefnogi a gwella dealltwriaeth o'r cais am ganiatâd cynllunio llawn ar gyfer Cam 3 Llwybr Teithio Llesol Cwm Rhondda Fach.
- 1.1.2. Cafodd y datganiad ei gwblhau yn unol â'r canllawiau a nodwyd yn y Canllawiau ar gyfer Datganiadau Dylunio a Mynediad yng Nghymru (LICC) a gyhoeddwyd ym mis Mehefin 2017, ac mae'n ofyniad statudol ar gyfer datblygiadau sylweddol.
- 1.1.3. Caiff Cam 3 ei ystyried yn ddatblygiad sylweddol gan ei fod ar safle maint 1 hectar neu'n fwy.
- 1.1.4. Mae'r holl ddogfennau a lluniadau y cyfeirir atynt yn y DAS ar gael ar-lein i'w hadolygu yn ystod yr Ymgynghoriad Cyn-ymgeisio a byddant yn cael eu cyflwyno fel rhan o'r cais cynllunio.

1.2. Crynodeb o'r Cynnig

- 1.2.1. Llwybr cerdded a seiclo newydd rhwng y Maerdy a Stanleytown yng Nghwm Rhondda Fach yw Llwybr Teithio Llesol Cwm Rhondda Fach. Bydd y llwybr yn dilyn aluniad yr hen reilffordd ar hyd lawr y cwm a bydd yn cynnwys cysylltiadau â chymunedau, siopau, ysgolion a chyfleusterau hamdden lleol.
- 1.2.2. Cafodd y llwybr ei rannu yn bum cam. Bydd Cam 1 yn dod i ben ym mis Ionawr 2024 a Cham 2 yn dod i ben yn y Gwanwyn 2024. Bydd camau 3 a 4 yn cael eu cwblhau yn ystod y Gwanwyn 2025, a bydd Cam 5 yn dod i ben yn y Gwanwyn 2026. Bydd hyn yn amodol ar gyllid.
- 1.2.3. Bydd Cam 3 yn darparu cysylltiad cerdded a seiclo rhwng y llwybr a chymuned y Maerdy.

1.3. Lleoliad y safle

- 1.3.1. Bydd Cam 3 yn canolbwyntio ar gyfeirnod SS 97936 98042 a bydd yn dechrau ar Bont Gogledd y Maerdy ac yn cysylltu â Stryd Blake a chefn Stryd Richard yn y Maerdy.



Ffigur 1- Cynllun Lleoliad

2 Y Briff a'r Weledigaeth


2.1. Y Briff

2.1.1. Y briff yw adeiladu cysylltiad cerdded a seiclo rhwng Llwybr Teithio Llesol Cwm Rhondda Fach a'r Maerdy. Bydd y cysylltiad tua 1.3km o hyd a bydd yn bodloni'r pum prif ofyniad ar gyfer llwybrau teithio llesol (cydlynol, uniongyrchol, diogel, cyfforddus a deniadol), fel sydd wedi'u nodi yng Nghanllaw y Ddeddf Teithio Llesol.

2.1.2. Mae amcanion y cynigion fel a ganlyn:

- Creu mathau o drafnidiaeth gynaliadwy fel opsiwn amgen i gerbydau â modur.
- Cysylltu'r ysgol a busnesau lleol ag ardaloedd preswyl ar hyd Cwm Rhondda Fach.
- Lleihau llygredd aer a gwella iechyd y gymuned leol.
- Lleihau a lliniaru unrhyw effeithiau negyddol ar ecoleg leol.
- Sicrhau bod y dyluniad yn bodloni Safonau Cenedlaethol Statudol ar gyfer Systemau Draenio Cynaliadwy.


2.2. Gweledigaeth



3 Dadansoddiad a Chyd-destun y Safle


3.1. Lleoliad a Chyd-destun y Safle

- 3.1.1. Mae'r llwybr arfaethedig tua 7km o hyd (o gyfeirnod 297100,199285 nes ymuno â llwybr seiclo Porth a Ffordd Osgoi Cwm Rhondda Fach Isaf yng nghyfeirnod 301030,194660).
- 3.1.2. Bydd Cam 3 yn darparu cysylltiad rhwng y llwybr, Stryd Blake, a chefn Stryd Richard yn y Maerdy.



Ffigur 2 – Lleoliad y Safle

- 3.1.3. Mae ffigur 3 yn dangos cynllun yn cynnwys y cyfleoedd allweddol a chyfyngiadau sydd ynghlwm â'r safle. Bydd yr adran yma'n trafod ymhellach y cyfleoedd a chyfyngiadau hynny mewn rhagor o fanylder.



Ffigur 3 – Cynllun Cyfleoedd a Chyfyngiadau Allweddol

3.2. Defnydd presennol y safle

- 3.2.1. Mae modd rhannu Cam 3 yn rhannau gogleddol a deheuol gan ddilyn llinell y nant yn y cwm sy'n dechrau ar Stryd Blake ac yn dod i ben wrth y bont droed bresennol. Mae'r rhan ogleddol yn cynnwys llwybr seiclo heb ei adeiladu. Mae'r rhan ddeheuol yn cynnwys tomen lofa heb ei phroffilio sy'n cwmpasu prysgwydd, rhostir, glaswelltir sur a llwybr cerdded tuag at Stryd Blake. Mae ffigurau 4,5,6,7,8 a 9 yn cynnwys ffotograffau o'r safle presennol.
- 3.2.2. Mae'r Cyngor yn berchen ar y safle arfaethedig, heblaw am ran fach o dir heb ei chofrestru tuag at ben gogleddol y safle.



Ffigur 4 – Ffotograff o'r Rhan Ogleddol yn dangos y llwybr beicio heb ei adeiladu



Ffigur 5 – Ffotograff o'r Rhan Ddeheuol yn dangos y domen lofa wedi'i hailbroffilio



Ffigur 6 – Ffotograff o bwll sy'n cael ei adnabod yn lleol fel 'Pwll Cŵn (Dog Pond)'



Ffigur 7 – Ffotograff o'r bont droed bresennol



Ffigur 8 – Ffotograff o gae chwarae ysgol sydd ddim yn cael ei ddefnyddio



Ffigur 9 – Ffotograff o laswelltir asidig sy'n addas ar gyfer ardal digolledu a gwella ecolegol

3.3. Cyd-destun Cynllunio

3.3.1. Mae Cynllun Datblygu Lleol Rhondda Cynon Taf yn cynnwys Map Cynigion. Mae'r map yma'n arddangos y rhannau hynny o dir sydd wedi'u dynodi'n benodol ar gyfer eu datblygu neu sy'n destun mesurau diogelu trwy'r broses gynllunio. Mae'r polisiau canlynol yn berthnasol i Gam 3:

- Polisi NSA 23.4 - Gwelliannau i'r Rhwydwaith Seiclo
- Polisi NSA 20.2 - Cynlluniau Priffyrdd
- Polisi Ardal Gyfan 8.142 - Diogelu a Gwella'r Amgylchedd Naturiol

3.3.2. Mae modd dod o hyd i ragor o wybodaeth ynglŷn â sut mae'r polisiau yma'n dylanwadu ar gynigion ar gyfer y safle ym mhennod 5 o'r adroddiad yma.

3.4. Hawliau Tramwy Cyhoeddus

3.4.1. Does dim Hawliau Tramwy Cyhoeddus yn effeithio ar Gam 3 yn ôl data System Gwybodaeth Ddaearyddol (IS) y Cyngor. Fodd bynnag, mae llwybrau cerdded a Llwybr 881 y Rhwydwaith Seiclo Cenedlaethol (NCN) yn croesi'r safle, fel y dangosir yn Ffigur 3.

3.5. Safleoedd Dynodedig

3.5.1. Safle o Ddiddordeb Gwyddonol Arbennig (SSSI) - y safle agosaf yw Craig Pont Rhondda sydd 3.5km i'r de o safle Cam 3.

3.5.2. Safleoedd RAMSAR (gwlypdiroedd o bwysigrwydd rhyngwladol), Ardal Cadwraeth Arbennig (ACA) ac Ardaloedd Gwarchodaeth Arbennig (AGAu) - Does dim yn yr ardal.

3.5.3. Safleoedd o Bwysigrwydd Cadwraeth Natur (SINC) - Mae'r safle gyferbyn ag afonydd Taf a Rhondda.

3.5.4. Coetir Hynafol - Mae un coetir hynafol o fewn 500m o safle'r cynnig ac mae'r coetir yn cael ei ystyried yn Goetir Hynafol Lled-naturiol.

3.5.5. Safleoedd Henebion Cofrestredig (SAM) - Mae dau SAM o fewn 600m i'r de o'r safle, sef Tarren (D) a (G).

3.5.6. Adeiladau Rhestredig - Does dim Adeiladau Rhestredig o fewn 2km o'r safle.

3.5.7. Parciau a Gerddi Rhestredig - Dim yn yr ardal gyfagos.

3.6. Ecoleg

3.6.1. Mae nifer o arolygon ecolegol wedi'u cynnal ar gyfer y prosiect gan gynnwys y rhai canlynol:

- Gwerthusiad Ecolegol Rhagarweiniol o'r llwybr llawn ym mis Ionawr 2022, sy'n cynnwys Arolwg Cynefin Cam 1 estynedig. Cynhaliwyd y Gwerthusiad Ecolegol Rhagarweiniol blaenorol ar y llwybr llawn yn Ionawr, Mawrth ac Ebrill 2019.
- Cynhaliwyd yr arolwg ar droed o Gam 3 ym mis Hydref 2023 er mwyn cael rhagor o wybodaeth am y llwybr pan roedd cynlluniau cynhwysfawr ar gael.
- Cynhaliwyd arolwg desg ym mis Ionawr 2019 a chafodd yr arolwg ei ddiweddarau ym mis Mai 2023.
- Cynhaliwyd Asesiad Coed Lefel y Tir ym mis Hydref 2023.
- Cynhaliwyd arolwg gweledol ar foch daear ar hyd y llwybr cyfan ym mis Medi 2023.
- Cynhaliwyd arolwg ar ddyfrgwn yn ystod Camau 1, 2 a 3 ym mis Mai 2023, a Chamau 4 a 5 ym mis Medi 2023.
- Cynhaliwyd arolwg mynegai cynaliadwyedd cynefin madfall ddŵr gribog ar y pyllau dŵr perthnasol ar hyd y llwybr cyfan ym mis Mai 2023.
- Cynhaliwyd profion eDNA ar fadfallod dŵr cribog mewn pyllau dŵr perthnasol ar hyd y llwybr cyfan ym mis Mehefin 2023.
- Asesiad o'r Effaith Ecolegol (Cyfeirnod dogfen: WWE22181).
- Cynhaliwyd arolwg ar droed o rywogaethau ymledol ar hyd y llwybr cyfan ym mis Medi 2023.

3.6.2. Mae'r safle a'r ardaloedd cyfagos wedi'u dosbarthu yn ôl mathau cynefin Rhan 1.

3.6.3. Mae gwasgariad a graddau'r cynefinoedd yma i'w gweld yng nghynllun cynefin estynedig Rhan 1, sydd wedi'i gynnwys yn yr Asesiad o'r Effaith Ecolegol (Cyfeirnod Dogfen: WWE22181). Mae rhestr o bob rhywogaeth hefyd wedi'i chynnwys yn yr asesiad yma.

3.7. Cyflwr y Tir

3.7.1. Mae Adroddiad Ymchwiliad Tir (Cyfeirnod Dogfen: GC3569-RED-74-ATR-RP-D-0005) wedi'i gwblhau er mwyn darparu asesiad geodechnegol o gyflwr y tir a'r dŵr daear ar y safle.

3.7.2. Mae'r Adroddiad Ymchwiliad Tir yn cynnwys y canlynol:

- Gwerthusiad o'r Astudiaeth ar Ffynonellau Rhagarweiniol a gwybodaeth o archwiliad tir ar gael.
- Disgrifiad o gyflwr y tir a'r dŵr daear a'u heffaith ar y cynllun arfaethedig.
- Deunydd geodechnegol ar hyd a lled y safle.
- Asesiad o risgiau geodechnegol.

3.7.3. Dylid darllen y polisi yma ar y cyd â'r dogfennau canlynol:

- Adroddiad Astudiaeth ar Ffynonellau Rhagarweiniol, Cyf: GC3596-RED-74-ATR-RP-D-0001.
- Asesiad Risg o Waith Mwyngloddio am Lo, Cyf: GC3596-RED-74-ATR-RP-D-0002.
- Llwybr Teithio Llesol Cwm Rhondda Fach (Camau 3, 4 a 5) - Archwiliad Tir, Adroddiad Ffeithiol, Rhif Adroddiad G23011, Jackson Geo Services, Ebrill 2023.

3.8. Topograffeg

3.8.1. Yn gyffredinol, mae lefelau'r safle'n codi'n serth oddi wrth Afon Rhondda Fach tuag at gymuned y Maerdy. Gweler Ffigur 10 yn dangos cyfuchliniau'r safle.




Ffigur 10 – Topograffeg y safle

3.9. Hydroleg

- 3.9.1. Mae gan y cynllun arfaethedig gyfres o ffosydd draenio, nentydd a phwll dŵr.
- 3.9.2. Mae posibilrwydd y bydd hyn yn achosi llygredd i Afon Rhondda Fach ac elfennau o ddŵr daear yn ystod y broses adeiladu a rhoi'r cynllun arfaethedig ar waith. Mae'n bosibl y bydd effeithiau anffafriol yn ystod y broses adeiladu a gweithredu yn cael eu heffeithio gan:
- Rhagor o lygredd o ganlyniad i darfu ar ddeunyddiau'r lofa
 - Dŵr daear llygredig o ganlyniad i'r cynnig
 - Difrod i'r elfennau dŵr daear yn ystod y broses adeiladu
- 3.9.3. Mae mapio llifogydd Cyfoeth Naturiol Cymru'n awgrymu bod y rhan fwyaf o'r cynnig y tu hwnt i'r ardaloedd sy'n cael eu heffeithio gan yr afon yn gorlifo, fodd bynnag, mae rhan fach o dir ble mae llifogydd dŵr daear ar Stryd Richard yn llifo tuag at ben deheuol y cynllun.

3.10. Mynediad

3.10.1. Mae modd cael mynediad i'r safle o dri lleoliad: Heol yr Orsaf, Stryd Blake a lôn gefn Stryd Richard. Mae Ffigur 12, 13, a 14 yn cynnwys llun o bob lleoliad.



Ffigur 11 – Cynllun Mynediad i'r Safle



Ffigur 12 – Lôn gefn Stryd Richard



Ffigur 13 – Stryd Blake



Ffigur 14 – Heol yr Orsaf

3.11. Cyfleustodau


- 3.11.1. Mae dau o brif gyflenwadau Dŵr Cymru yn croesi'r safle yn ogystal â charthffos Dŵr Cymru - gweler Ffigur 3 i weld eu lleoliadau.
- 3.11.2. Does dim cyfleustodau eraill sy'n bresennol ar y safle yn hysbys.

4 Datblygu'r Cynllun

4.1. Hanes

4.1.1. Cynhaliwyd astudiaeth ddichonoldeb gan Sustrans yn 2019. Cyflwynodd yr astudiaeth y pedwar opsiwn canlynol ar gyfer Llwybr Teithio Llesol Cwm Rhondda Fach:


- gwneud cyn lleied â phosibl
- ar lwybr y briffordd
- defnyddio llwybr cyfredol ochr yr afon
- defnyddio'r hen reilffordd segur



Ffigur 15 - Opsiynau Sustrans

-
- 4.1.2. Mae'r opsiwn gwneud cyn lleied â phosibl yn cynnwys defnyddio'r llwybrau a phontydd heb arwyneb sydd eisoes yno i greu llwybr di-draffig a fyddai'n cyd-fynd â gosod cyn lleied o arwyddion â phosibl i arwain defnyddwyr ar hyd y llwybr.
- 4.1.3. Byddai llwybr y briffordd yn defnyddio cyfuniad o ffyrdd bach, lonydd cefn a'r A4233 trwy Tylorstown, Glynrhedynog a'r Maerdy.
- 4.1.4. Byddai'r llwybr ar hyd ochr yr afon yn defnyddio rhwydwaith o lwybrau rhwng prif ardaloedd preswyl Cwm Rhondda Fach a gorllewin yr afon.
- 4.1.5. Byddai llwybr yr hen reilffordd segur yn dilyn ailuniad yr hen reilffordd a oedd yn cael ei defnyddio nes cau glofa'r Maerdy ym 1986. Mae'r hen reilffordd yn bennaf ar ochr ddwyreiniol yr afon.
- 4.1.6. Casgliad yr astudiaeth oedd y dylai'r opsiwn a ffefrir fod yn gyfuniad o lwybr ymyl yr afon a llwybr yr hen reilffordd segur. Mae modd dod o hyd i ragor o wybodaeth ynglŷn â'r astudiaeth yn Astudiaeth Dichonoldeb Llwybr Teithio Llesol Cwm Rhondda Fach.
- 4.1.7. Aeth Cyngor Rhondda Cynon Taf ati i ddadansoddi'r opsiwn a ffefrir a'i gyflwynwyd gan Sustrans yn ystod 2021 a 2022 yn seiliedig ar arolwg ar droed, gwybodaeth ychwanegol o arolwg topograffeg ac archwiliadau ecolegol. Daethpwyd i'r casgliad mai'r opsiwn gorau o ran dichonoldeb yw defnyddio llwybr segur yr hen reilffordd.
- 4.1.8. Aeth Carfan Dylunio Prosiectau Strategol y Cyngor ati i ddatblygu cynllun y llwybr i ddiwallu canllaw'r Ddeddf Teithio Llesol a'r Safonau Cenedlaethol Statudol ar gyfer Systemau Draenio Cynaliadwy.
- 4.1.9. Cafodd y llwybr ei rannu'n bum cam er mwyn gweddu adnoddau'r cynllun ac argaeledd cyllid.
- 4.1.10. Cafodd nifer o astudiaethau eu comisiynu er mwyn llywio'r cynllun a bodloni'r deddfwriaethau amrywiol, gan gynnwys:
- Gwerthusiad Ecolegol Rhagarweiniol
 - Astudiaethau Effaith Ecolegol
 - Adroddiad Astudiaeth ar Ffynonellau Rhagarweiniol
 - Asesiad Risg o Waith Mwyngloddio am Lo
 - Adroddiad ar yr archwiliad tir

- 4.1.11. Cynhaliwyd proses gynllunio camau 1 a 2 yn ystod blwyddyn ariannol 22/23. Mae disgwyl i waith adeiladu Cam 1 ddod i ben yn ystod mis Ionawr 2024 a gwaith adeiladu Cam 2 yn ystod y gwanwyn 2024.
- 4.1.12. Mae camau 3 a 4 wedi cyrraedd y broses ddylunio fanwl ac maen nhw'n amodol ar ganiatâd cynllunio, cymeradwyaeth SAB a dyraniad cyllid yn y dyfodol.
- 4.1.13. Cafodd nifer o opsiynau amrywiol eu hystyried ar gyfer Cam 3, a fydd yn ffurfio cysylltiad rhwng cymuned y Maerdy a Llwybr Teithio Llesol Cwm Rhondda Fach. Fodd bynnag, cafodd gysylltiad ag Ystad Ddiwydiannol Glynrhedynog ei adolygu a phenderfynwyd nad oedd yn opsiwn da ar sail dichonoldeb oherwydd y gwaith sylweddol byddai'n rhaid ei wneud ar y tir a'r strwythurau fyddai eu hangen. Yn ei le, mae cysylltiad â Stryd Blake a chefn Stryd Richard wedi'i ddatblygu a bydd yn amodol ar y caniatâd cynllunio yma.
- 4.1.14. Bydd dyluniad Cam 5 yn cael ei ddatblygu yn ystod blwyddyn ariannol 24/25, yn amodol ar argaeledd cyllid, a bydd raid derbyn caniatâd cynllunio a chymeradwyaeth SAB cyn bwrw ymlaen â'r gwaith adeiladu.




Ffigur 16 - Cynllun Camau

5 Cynnig

5.1. Disgrifiad o'r Gwaith Arfaethedig


- 5.1.1. Dylid darllen yr adran yma ar y cyd â dyluniadau trefniadaeth cyffredinol P187-S3-71-02 a P187-S3-71-03.
- 5.1.2. Mae'r cynnig yn cynnwys adeiladu llwybr gerdded a seiclo newydd sy'n glynu at bum prif egwyddor llwybrau teithio llesol (cyfforddus, diogel, uniongyrchol, cydlynol a deniadol) fel sydd wedi'i nodi yng nghanllaw Deddf Teithio Llesol.
- 5.1.3. Mae'r cynnig yn cynnwys llwybr ar y cyd ar gyfer cerddwyr a seiclwyr sydd 2.5 metr o led fel bod digon o le i gerddwyr a seiclwyr ryngweithio'n ddiogel. Mae ffigur 17 yn dangos croestoriad cyffredin o'r llwybr.
- 5.1.4. Bydd y llwybr yn cynwys llwybr mwy diogel ac uniongyrchol i seiclwyr o gymharu â'r ffordd drwy Tylorstown, Glynrhedynog a'r Maerdy. Mae nifer y cerbydau, ffyrdd cul, parcio ar y stryd a graddiant serth yn golygu bod seiclo drwy'r cymunedau yma'n anghyfforddus ac yn anaddas ar gyfer nifer o bobl.
- 5.1.5. Bydd lleoliad y llwybr, i ffwrdd o gerbydau â modur, gyferbyn ag afon Rhondda Fach ymysg y deiliach yn ddiddorol yn weledol ac yn synhwyraidd ar gyfer defnyddwyr.
- 5.1.6. Er mwyn arddangos bod y llwybr yn cydymffurfio ac yn cydfynd â gweddill y rhwydwaith teithio llesol, bydd y llwybr yma'n ffurfio rhan o Llwybr 881 y Rhwydwaith Seiclo Cenedlaethol (NCN). Mae Llwybr 881 NCN yn dechrau yng Nghronfa Ddŵr Llest-Wen ac yn gorffen ym Mhontypridd. Yng Nghronfa Ddŵr Llest-Wen, mae'r llwybr yn cysylltu â Llwybr 47 NCN, ac ym Mhontypridd mae'n cysylltu â Llwybr 4 NCN. Ar ôl cwblhau'r gwaith, bydd Llwybr 881 NCN yn darparu llwybr uniongyrchol rhwng Cwm Rhondda Fach a Phontypridd a bydd yn cynnwys cysylltiadau â siopau, ysgolion, trafniadaeth gyhoeddus a chyfleusterau hamdden.



Ffigur 17- Croestoriad Arferol Llwybr Teithio Llesol

5.2. Dyluniad y Llwybr

- 5.2.1. Bydd y llwybr arfaethedig yn cael ei adeiladu o haenau hydraiddd o asffalt ac is-sylfaen gronynnog, fel sydd i'w gweld yn Ffigur 18.



Ffigur 18- Gosod Pafin Hydraiddd Arferol

- 5.2.2. Mae gan yr asffalt hydraiddd wead negyddol a fydd yn lleihau'r ymdrech sydd ei angen i wthio neu seiclo gan ychwanegu at ba mor gyfforddus yw defnyddwyr wrth fanteisio ar y llwybr. Bydd yr asffalt hydraiddd hefyd yn caniatâu i ddŵr lifo drwy'r palmant gan atal rhew rhag ffurfio ar yr arwyneb a gwella diogelwch defnyddwyr y llwybr.
- 5.2.3. Er mwyn cysylltu'r llwybr sy'n mynd ar hyd lawr y cwm a'r Maerdy, sydd ar ochr y bryn, does dim modd osgoi graddiant serth. Fodd bynnag, bydd pob graddiant yn cadw at uchafswm o 5% (1 ym mhob 20), sef yr uchafswm delfrydol ar gyfer llwybrau cerdded a seiclo. Bydd cambrau a goleddfau croes yn cadw at 2.5% (1 ym mhob 40) er mwyn sicrhau bod y llwybr yn gyfforddus ac i leihau defnydd egni defnyddwyr.
- 5.2.4. Bydd palmant rhib yn cael ei ddefnyddio ym mhob pwynt mynediad er mwyn rhybuddio defnyddwyr dall a rhannol ddall eu bod nhw ar fin ymuno â llwybr sy'n cael ei rannu.

5.3. Clirio'r Safle / Llystyfiant

- 5.3.1. Bydd cliriad cyffredinol o'r safle o fewn ffiniau'r safle a ffin y llinell goch sydd i'w gweld ar ddarlun P187-S3-71-01. Bydd gwaith clirio llystyfiant yn yr ardal oedd sy'n sensitif o ran ecoleg yn cael ei gynnal o dan oruchwyliaeth ecolegydd ac yn unol â Datganiad Dull Gweithio Rhagofalus. Mae rhagor o wybodaeth am fesurau rheoli sy'n cael eu rhoi ar waith i atal effeithiau ar safleoedd penodedig, cynefinoedd sy'n cael eu blaenoriaethu a rhywogaethau sy'n cael eu diogelu i'w gweld yn yr Archwiliad ar yr Effaith Ecolegol.

5.4. Ffensio a Bolardiau

- 5.4.1. Bydd pyst a ffens yn cael eu gosod mewn manau sydd â risg o bobl yn syrthio.
- 5.4.2. Bydd bolardiau'n cael eu gosod ar bob pwynt mynediad er mwyn atal cerbydau diawdurdod. Bydd 1.5m o led rhwng y bolardiau ac ymyl y llwybr fel bod digon o le i feiciau ac i osgoi eithrio defnyddwyr posibl.

5.5. Draenio

- 5.5.1. Bydd system ddraenio'r llwybr yn dynwared llif naturiol y dŵr ar y safle trwy fanteisio ar balmant hydroidd. Mae modd dod o hyd i ddisgrifiad manwl o'r cynigion draenio yn nyluniadau draenio P187-S3-71-06, P187-S3-71-07 a P187-S3-71-08.
- 5.5.2. Bydd cais ar wahan yn cael ei gyflwyno i Gorff Cymeradwyo Systemau Draenio Cynaliadwy er mwyn pennu a yw'r cynigion yn cydymffurfio â'r Safonau Statudol Cenedlaethol ar gyfer SuDS ai peidio.

5.6. Arwyddion Traffig a Marciau Ffordd

- 5.6.1. Bydd arwyddion newydd sydd wedi'u dylunio'n unol â Rheoliadau a Chyfarwyddiadau Cyffredinol Arwyddion Traffig (TSRDG) yn cael eu gosod ar hyd y llwybr arfaethedig er mwyn cynorthwyo defnyddwyr i deithio drwy ardaloedd anghyfarwydd ac i amlygu'r cysylltiadau i lwybrau cyfagos a chyrchfanau.

5.7. Gwyradau / Llaciadau

- 5.7.1. Does dim gwyradau / llaciadau oddi wrth y safonau perthnasol.

5.8. Sŵn Adeiladu ac Oriau Gwaith

- 5.8.1. Bydd gwaith adeiladu'r llwybr arfaethedig, gan gynnwys cloddwaith, taenu a chywasgu, ynghyd â cherbydau adeiladu a cherbydau nwyddau trwm sy'n teithio ar hyd y ffordd, yn cynhyrchu sŵn a dirgryniadau.
- 5.8.2. Oriau gwaith arferol y safle fydd o ddydd Llun i ddydd Gwener rhwng 0800 ac 1800, a dydd Sadwrn rhwng 0800 a 1300. Does dim disgwyl y bydd gwaith yn cael ei gynnal ar ddydd Sul a gwyliau'r banc.

5.9. Y Camau a'r Rhaglen Adeiladu

- 5.9.1. Mae disgwyl i'r gwaith ddechrau erbyn diwedd yr haf 2024 ac mae disgwyl iddo barhau am tua 8 mis.

-
- 5.9.2. Mae disgwyl i gompwnd y safle fod naill ai ar Stryd Blake neu ar gae segur Ysgol Gymuned Glynrhedynog.
- 5.9.3. Bydd holl draffig adeiladu'r gadwyn gyflenwi yn gweithio o dan ddatganiad dull safle ar gyfer danfon peiriannau a deunyddiau i'r safle. Bydd y datganiad dull yn cynnwys unrhyw gyfyngiadau amseru, llwybrau mynediad awdurdodedig, a phrotocolau a fydd ar waith ar gyfer derbyn danfoniadau o'r fath.
- 5.9.4. Cyn dechrau'r gwaith adeiladu, bydd ffens yn cael ei gosod o amgylch y safle er mwyn atal unrhyw fynediad diawdurdod.
- 5.9.5. Cyn dechrau'r gwaith, bydd cerbydau'n cael eu glanhau'n fecanyddol er mwyn cael gwared ar falurion dros ben.
- 5.9.6. Mae cynllunio a rheoli llwch yn effeithiol yn gofyn am ddealltwriaeth drylwyr o'r rhaglen adeiladu, y gweithrediadau a'u heffaith debygol oherwydd y tywydd amrywiol. Bydd y ddogfen gweithdrefnau lechyd a Diogelwch a'r Amgylchedd amlinellu camau adferol i'w cymryd i liniaru'r sefyllfa.
- 5.9.7. Bydd cerbydau yn teithio i'r safle ac yn ôl i ollwng deunydd adeiladu.

5.10. Ansawdd aer

- 5.10.1. Gan na fydd mod i unrhyw gerbydau â modur ddefnyddio'r llwybr, does dim disgwyl i ansawdd yr aer newid.

5.11. Sŵn a dirgrynu

- 5.11.1. Gan na fydd mod i unrhyw gerbydau â modur ddefnyddio'r llwybr, does dim disgwyl y bydd unrhyw sŵn na ddirgrynu ychwanegol.

5.12. Mynediad

- 5.12.1. Bydd Cam 3 Cynllun Teithio Llesol Cwm Rhondda Fach yn darparu cysylltiad i gymunedau y Maerdy a Glynrhedynog i'r llwybr teithio llesol arfaethedig yng Nghwm Rhondda Fach.
- 5.12.2. Mae'r cysylltiad yn cynnwys dwy fynedfa - un ar Stryd Blake ar llall ar lôn gefn Stryd Richard.
- 5.12.3. Bydd arwyddion yn cael eu darparu o'r prif dramwyfeydd er mwyn arwain pobl i lwybr cyswllt Cam 3.
- 5.12.4. Bydd Llwybr Teithio Llesol Cwm Rhondda Fach yn darparu llwybr diogel, oddi ar y ffordd ar hyd llawr y cwm hyd at Stanleytown.

5.13. Symudiad

- 5.13.1. Mae prif lwybr teithio llesol Cwm Rhondda Fach ar ochr arall Afon Rhondda Fach, ac mae'r pwyntiau mynediad i'r llwybr seiclo heb eu hadeiladu, yn serth ac yn gul. Bydd y cynllun yma'n darparu llwybr diogel i gael mynediad i'r llwybr seiclo newydd.
- 5.13.2. Bydd y cynllun arfaethedig yn annog pobl i gerdded a seiclo er eu lles eu hunain, yn ogystal â bod yn llwybr i bobl sy'n cymudo i'r Porth.

5.14. Rheoli gwastraff

- 5.14.1. Bydd gwaith adeiladu'r cynllun dan sylw'n galw am waith cloddio sylweddol. Bydd cynifer o ddeunyddiau addas sydd wedi'u cloddio'n cael eu hailddefnyddio ar y safle ag sy'n rhesymol ymarferol. Bydd unrhyw ddeunyddiau anaddas yn cael eu cludo i safle tirlenwi â thrwydded.
- 5.14.2. Bydd Cynllun Rheoli Gwastraff Safle yn cael ei ddatblygu yn ystod y gwaith adeiladu i nodi a rheoli'r mathau a'r swm o wastraff. Byddai hefyd yn nodi sut y byddai'r gwastraff hwn yn cael ei leihau, ei aildefnyddio, ei reoli a'i waredu.

5.15. Cynaliadwyedd

- 5.15.1. Mae disgwyl i'r holl ddeunyddiau llenwi sydd eu hangen ar gyfer y gwaith arfaethedig fod yn ddeunyddiau dros ben sydd wedi'u casglu yn ystod y gwaith cloddio. Bydd hyn yn cael effaith arwyddocaol ar nifer y cerbydau sy'n cludo deunyddiau a'r deunyddiau sy'n mynd i safle tirlenwi.

5.16. Cynlluniau Tirlunio

- 5.16.1. Mae'r cynllun yma'n cynnwys cadw uwchbridd y gwastraff glo a'i aildefnyddio i gadw'r hadau sydd ar gael yn lleol.
- 5.16.2. Mae'r coed a gwrychoedd yn yr ardal yma'n glasbrennau ifainc o goed cyfagos. Fydd coed newydd ddim yn cael eu cyflwyno. Mae disgwyl y bydd tyfiant naturiol yn digwydd dros y blynyddoedd nesaf.

5.17. Cynigion Ecolegol

- 5.17.1. Pan fo'n bosib, bydd y cynefin sy'n bodoli ar y safle yn cael ei gynnal er mwyn sicrhau nad yw rhywogaethau'n cael eu heffeithio'n negyddol gan y datblygiad newydd. Bydd rhywogaethau o stoc brodorol yn cael eu defnyddio ar gyfer unrhyw blannu newydd ar y safle.


- 5.17.2. Bydd blychau nythu adar a blychau clwydo ystlumod yn cael eu cyfuno â'r coetir cyfagos. Dylid defnyddio nifer o flychau gwahanol er mwyn cwmpasu nifer o rywogaethau.
- 5.17.3. Mae rhan o laswelltir sur yn nwyrain y safle wedi'i nodi'n lle addas ar gyfer digolledu a gwella.
- 5.17.4. Mae Cynllun Rheoli Tirwedd ac Ecoleg wedi'i gynnig ar gyfer y cynllun ehangach er mwyn manylu ymhellach ar y safle arfaethedig gyfan.

5.18. Cymunedau Diogel

- 5.18.1. Bydd y llwybr teithio llesol yn opsiwn diogel oddi ar y ffordd ar gyfer pobl sydd ddim yn defnyddio cerbydau â modur. Bydd hefyd yn gysylltiad â chymunedau, ysgolion, busnesau, cymunedau a chyfleusterau hamdden lleol ar hyd Cwm Rhondda Fach.

5.19. Ymateb i'r Polisi Cynllunio

- 5.19.1. Mae Polisi Cynllunio Cymru - Rhifyn 11 a'r Fframwaith Datblygu Cenedlaethol (e.e. Dyfodol Cymru - Cynllun Cenedlaethol 2040) yn nodi sut gall y system gynllunio ar lefel genedlaethol, ranbarthol a lleol gynorthwyo â'r broses o gyflawni polisiâu cynllunio defnydd tir Llywodraeth Cymru trwy Gynlluniau Datblygu Strategol a Chynlluniau Datblygu Lleol.




Ffigur 19 – Darlun o Bolisi Cynllunio Cymru yn dangos sut mae haenau amrywiol o'r cynllun yn mynd i'r afael â'r materion sydd i'w gweld ym Mholisi Cynllunio Cymru

- 5.19.2. Cynlluniau datblygu wedi'u diweddarau yw sail y system gynllunio ac maen nhw'n pennu'r cyd-destun ar gyfer gwneud penderfyniadau rhesymegol a chyson. Rhaid paratoi pob cynllun ar bob lefel o'r cynllun datblygu yn unol â pholisiâu cynllunio cenedlaethol. Rhaid penderfynu ar geisiadau cynllunio yn unol â'r cynllun dan sylw, oni bai bod

ystyriaethau perthnasol yn nodi i'r gwrthwyneb. Rhaid i gynlluniau datblygu ddangos sut mae disgwyl i lefydd newid er mwyn cyd-fynd ag anghenion datblygu dros gyfnod nesaf y cynllun. Mae hyn yn rhoi sicrwydd i ddatblygwyr a'r cyhoedd am y math o ddatblygiad sy'n cael ei ganiatáu mewn lleoliad penodol. Mae tri math o gynllun datblygu statudol: Fframwaith Datblygu Cenedlaethol, Cynlluniau Datblygu Strategol a Chynlluniau Datblygu Lleol.

- 5.19.3. Rhaid i Gynlluniau Datblygu Lleol gydymffurfio â'r Fframwaith Datblygu Cenedlaethol (e.e. Dyfodol Cymru - y Cynllun Cenedlaethol 2040) a Chynlluniau Datblygu Strategol, felly mae'r adran yma'n disgrifio sut mae'r datblygiad arfaethedig yn cyd-fynd â Chynllun Datblygu Lleol 2006-2021 Rhondda Cynon Taf. Cafodd y cynllun yma'i fabwysiadu ar 2 Mawrth 2011 a bydd yn parhau i fod yn berthnasol nes bod y cynllun nesaf yn cael ei fabwysiadu yn 2026.



Ffigur 20 – Map Cynig o Gynllun Datblygu Lleol 2006-2021 Rhondda Cynon Taf

- 5.19.4. Mae Cynllun Datblygu Lleol Rhondda Cynon Taf yn cynnwys Map Cynigion. Mae'r map yma'n arddangos y rhannau hynny o dir sydd wedi'u dynodi'n benodol ar gyfer datblygiad, neu sy'n destun diogelu trwy'r broses gynllunio. Mae Ffigur 20 yn dangos rhan o'r Map Cynigion sy'n agos at Gam 3 y llwybr.
- 5.19.5. Mae pob nodyn ar y cynllun, er enghraifft NSA 23.4 yn cyfeirio at bolisi. Disgrifir y polisiau sy'n berthnasol i'r cais yma'n gryno fel a ganlyn:

Polisi NSA23.4 - Gwelliannau i'r Rhwydwaith Seiclo

- 5.19.6. Yn ôl Polisi NSA 23 o'r Cynllun Datblygu Lleol, 'bydd y rhwydwaith presennol o lwybrau seiclo a llwybrau cymunedol yn cael eu hymestyn a'u gwella i gynnwys cynlluniau o Bont-y-gwaith i'r Maerdy'. Bydd Cam 3 yn ffurfio rhan o'r llwybr rhwng Pont-y-gwaith a'r Maerdy.

Polisi NSA 20.2 - Cynlluniau Priffyrdd

- 5.19.7. Yn ôl Polisi NSA 20.2 o'r Cynllun Datblygu Lleol, 'bydd tir yn cael ei ddiogelu a bydd darpariaeth ar gyfer datblygiad rhwydwaith priffyrdd strategol yn yr Ardal Strategaeth Ogleddol, gan gynnwys Ffordd Osgoi Cwm Rhondda Fach Uchaf'. Fydd y llwybr, sy'n cynnwys Cam 3, ddim yn effeithio ar unrhyw gynlluniau yn y dyfodol i adeiladu Ffordd Osgoi Cwm Rhondda Fach Uchaf.

Polisi Ardal Gyfan (AW) 8 - Diogelu a Gwella'r Amgylchedd Naturiol

- 5.19.8. Yn ôl Polisi NSA AW8, bydd treftadaeth naturiol unigryw Rhondda Cynon Taf yn cael ei chadw a'i gwella trwy ei hamddiffyn rhag datblygiad amhriodol. Mae AW8.142 yn cyfeirio at afonydd Taf a Rhondda, sy'n safleoedd cadwraeth natur pwysig. Bydd Cynllun Rheoli Amgylcheddol Gwaith Adeiladu a Datganiad Dull Gweithio Rhagofalus yn cael eu cynhyrchu i fanylu ar fesurau atal llygredd er mwyn atal effeithiau ar Afon Rhondda Fach yn ystod y gwaith adeiladu. Am ragor o wybodaeth ynglŷn â Diogelu a Gwella'r Amgylchedd Naturiol, cyfeiriwch at Asesiad o'r Effaith Ecolol Cam 3.

6 Crynodeb

6.1. Crynodeb

- 6.1.1. Y cynnig dan sylw yw adeiladu cysylltiad, a'i gelwir yn Cam 3, o anheddiad y Maerdy i Llwybr Teithio Llesol Cwm Rhondda Fach.
- 6.1.2. Bydd y cysylltiad arfaethedig hefyd yn fuddiol ar gyfer cysylltedd llwybrau teithio llesol yn Rhondda Cynon Taf.
- 6.1.3. Bydd y cysylltiad yn darparu llwybr teithio llesol mwy diogel i ddisgyblion Ysgol Gymuned Glynrhedynog i gerdded neu seiclo i'r ysgol.
- 6.1.4. Mae Polisi NSA23 o Gynllun Datblygu Lleol y Cyngor yn cefnogi'r cynnig arfaethedig sydd â'r bwriad o hyrwyddo cerdded a seiclo yn hytrach na gwneud teithiau byr mewn car.
- 6.1.5. Bydd cynllun a phroses adeiladu Cam 3 yn cydnabod sensitifrwydd yr amgylchiadau naturiol trwy lynu at y mesurau lliniaru a gwella bioamrywiaeth sydd wedi'u nodi yn yr Asesiad o'r Effaith Ecolegol ar gyfer y safle.
- 6.1.6. Bydd oriau'r gwaith adeiladu yn cael eu cyfyngu, ac mae camau a rhaglenni'r gwaith adeiladu ar y safle wedi'u cynllunio i leihau'r effaith ar drigolion lleol, Ysgol Gymuned Glynrhedynog a busnesau lleol.
- 6.1.7. Fel sydd wedi'i arddangos yn Natganiad Dylunio a Mynediad y cynllun, mae'r datblygiad arfaethedig yn cydymffurfio â pholisi cynllunio cenedlaethol, rhanbarthol a lleol, ac yn cyfrannu at brif amcan datblygu cynaliadwy. O'r herwydd, rydyn ni'n argymhell bod y cais cynllunio yma yn cael ei dderbyn.